

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD U BUGOJNU
Broj: 46 0 P 114949 25 I
Bugojno, 21.04.2026. godine

Općinski sud u Bugojnu, stručna saradnica Razić Amina u izvršnom postupku tražitelja izvršenja 1. Zijad Muratović sin Avde iz Bugojna Kovačuša III/3, 2. Husein Muratović sin Avde iz Bugojna Kovačuša III/3 i 3. Mirsad Muratović sin Avde iz Bugojna-Kovačuša III/3, svi zastupani po punomoćniku Midhatu Gekiću odvjetniku iz Gornjeg Vakufa/Uskoplje, protiv izvršenika Ferid Kero sin Nurije iz Bugojna, Donjići II broj 43. zastupan po punomoćnici Jusufbegović Almi, advokatici iz Bugojna, radi prodaje pokretnih stvari izvršenika, van ročišta, 21.04.2026. godine je donio sljedeći:

Z A K L J U Č A K O PRVOJ PRODAJI POKRETNIH STVARI

Zaključkom ovog suda broj gornji od 24.07.2025. godine je izvršeniku naloženo da u roku od 30 dana po prijemu istog zaključka preuzme pokretne stvari koje su istim zaključkom date na čuvanje tražiocu izvršenja zu upozorenje da će sud odrediti prodaju navedenih pokretnih stvari. Kako izvršenik nije preuzeo pokretne stvari, to sud

1. određuje prva prodaja sljedećih pokretnih stvari izvršenika:

Red. br.	Opis popisanih stvari	Kom.	Vrijednost
1.	Ugaona garnitura boja kafena	1	300,00 KM
2.	Kuhinjski stol, četiri stolice	1	200,00 KM
3.	Frižider marke gorenje	1	200,00 KM
4.	Električni šporet marke končar	1	250,00 KM
5.	Televizor marke LG	1	200,00 KM
6.	Posudje koje se nalazi u kuhinji		250,00 KM
7.	Tepisi	4	400,00 KM
8.	Spavaća soba, boja braon	1	800,00 KM
	UKUPNO		2.600,00 KM

i to putem usmenog javnog nadmetanja na dan **29.05.2026. godine u 09:00 sati, u zgradi Općinskog suda u Bugojnu, ured broj 2.**

2. Utvrđuje se da je ukupna vrijednost pokretnih stvari iz tačke 1. ovog zaključka 2.600,00 KM.

3. Najniža prihvatljiva ponuda po kojoj se jedna predmetna stvar može prodati je 1/2 utvrđene vrijednosti stvari.
4. U javnom nadmetanju kao kupci mogu učestvovati samo lica koja su prethodno dala osiguranje koje iznosi 1/10 utvrđene vrijednosti po pokretnoj stvari, s tim što ne može iznositi više od 10.000,00 KM. Lica koja sudjeluju u javnom nadmetanju su dužna prije početka ročišta sudu predati dokaz o uplaćenom osiguranju. Osiguranje se polaže na depozitni račun Općinskog suda u Bugojnu br. 101130000295629 kod Privredne banke Sarajevo, sa naznakom broja predmeta.
5. Ponuđačima čija ponuda ne bude prihvaćena osim za tri najbolja ponuđača, će se vratiti osiguranje odmah nakon zaključenja javnog nadmetanja.
6. Ponuđač s najvećom ponudom je dužan platiti cijenu 7 dana nakon objavljivanja rezultata ročišta za prodaju. Ako to ne učini, drugi ponuđač biće proglašen kupcem i dužan je platiti cijenu koju je ponudio i tako redom.
7. U slučaju da nijedan ponuđač ne plati cijenu, sud će na zahtjev jedne od stranaka oglasiti da ročište za prodaju nije uspjelo, a stranka može, u smislu odredbe člana 131. stav 3. Zakona i izvršnom postupku („Sl. novine FBiH“ br. 32/03, 52/03, 33/06, 39/06, 39/09 i 35/12, u daljem tekstu: ZIP), u roku od osam dana tražiti zakazivanje novog ročišta.
8. Ukoliko nijedna stranka ne predloži održavanje novog ročišta za prodaju u roku iz tačke 5. ovog zaključka ili ako se stvari ne uspiju prodati na drugom ročištu, sud će, u smislu stava 5. navedenog člana, obustaviti postupak.
9. Ovaj zaključak o prodaji biće objavljen na oglasnoj tabli suda, a tražilac izvršenja ga može objaviti i u javnim glasilima o svom trošku.

Stručna saradnica
Razić Amina

Pouka o pravnom lijeku:

protiv ovog zaključka nije dopušten pravni lijek.